

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
11.11.2021թ. կայացված ԱՖ794985 որոշումն անփոփոխ, իսկ վարչական բողոքն առանց
բավարարման թողնելու մասին

<< 30 >> 19 2021թ. 7-13- 19893

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Գևորգ Մելիքսեթյանի ՄԴ/98870-21 դիմումի քննարկման արդյունքում ստեղծված
նյութերը՝

Պ Ա Ր Զ Ե Ց Ի

Քաղաքացի Գևորգ Մելիքսեթյանը (ծանուցման հասցե՝ քաղաք Երևան, Դավթաշեն
վարչական շրջան, Դավթաշեն 10-րդ փողոց, 1Ա տուն (Էլ.հասցե՝ minasyanarmine@gmail.com))
դիմումով իր անհամաձայնությունն է հայտնել Ճանապարհային ոստիկանության վարչական
իրավախախտման գործով կայացված ԱՖ794985 որոշմանը՝ նշելով, որ տեսուչի կողմից չի
ներկայացվել որևէ ապացույց:

Դիմումի քննարկման արդյունքում պարզվել է, որ վարչական իրավախախտման վերաբերյալ
գործով 11.11.2021թ. կայացված ԱՖ794985 որոշումը ենթակա է կատարման հետևյալ
պատճառաբանությամբ.

Վարչական իրավախախտումների վերաբերյալ ՀՀ օրենսգրքի 124-րդ հոդվածի 10-րդ մասի
համաձայն՝ տրանսպորտային միջոցների վարորդների կողմից մարդկանց փոխադրման
կանոնները խախտելը՝ առաջացնում է տուգանքի նշանակում՝ սահմանված նվազագույն
աշխատավարձի հնգապատիկի չափով:

ՀՀ կառավարության <<Ճանապարհային երթևեկության կանոնները և տրանսպորտային
միջոցների շահագործումն արգելող անսարքությունների ու պայմանների ցանկը սահմանելու
մասին>> 28.06.2007թ. թիվ 955-Ն որոշման 158 կետի համաձայն մարդկանց փոխադրումն
արգելվում է՝ 1) ավտոմոբիլի (բացի կողավոր թափքով բեռնատար ավտոմոբիլի թափքում և
ֆուրգոն թափքում մարդկանց փոխադրելու դեպքերի), տրակտորի, այլ ինքնագնաց մեքենաների
խցիկներից դուրս, բեռնատար կցորդում, կցորդ-ամառանոցում, բեռնատար
մոտոտրանսպորտային միջոցի թափքում և մոտոցիկլի կառուցվածքով նախատեսված
նստատեղերից դուրս. 2) տրանսպորտային միջոցի տեխնիկական բնութագրով նախատեսված
քանակից ավելի:

Ուսումնասիրությամբ պարզվել է, որ 11.11.2021թ. ժամը 15:40-ի սահմաններում Սպիտակ
քաղաքի Վանաձորյան խճուղու հատվածում քաղաքացի Գևորգ Մելիքսեթյանի վարած
<<MERCEDES-BENZ>> մակնիշի 37GC385 հաշվառման համարանիշի ավտոմոբիլը կանգնեցվել է
Ճանապարհային ոստիկանության ՃՊԾ 2-րդ սպայական գումարտակի 5-րդ սպայական վաշտի
1-ին սպայական դասակի տեսուչ, ոստիկանության լեյտենանտ Ա.Ալեքսանյանի և նույն դասակի
ավագ տեսուչ ոստիկանության մայոր Ս.Գյոզյանի կողմից՝ Ճանապարհային երթևեկության
կանոնների N1 հավելվածի 158 կետի 2-րդ ենթակետի պահանջի խախտման համար, այն է՝
վարորդը տեղափոխել է տրանսպորտային միջոցի տեխնիկական բնութագրով նախատեսված
քանակից ավել մարդ: Վարչական իրավախախտումների վերաբերյալ ՀՀ օրենսգրքի 124-րդ
հոդվածի 10-րդ մասով կայացվել է վարչական իրավախախտման վերաբերյալ գործով ԱՖ794985
որոշումը:

Ճանապարհային ոստիկանության ծառայողների կողմից տրված պարզաբանման համաձայն՝ քաղաքացի Գևորգ Մելիքսեթյանի կողմից կատարված իրավախախտումը հիմնավորող՝ տեխնիկական միջոցների կիրառմամբ ձեռք բերված ապացույցներ առկա չեն, սակայն իրավախախտումն եղել է անմիջապես իրենց տեսադաշտում, ակնհայտ և պարզ տեսանելի, ինչի կապակցությամբ կազմվել է համապատասխան արձանագրություն և կայացվել ԱՖ794985 որոշումը: Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

<<Ճանապարհային երթևեկության անվտանգության ապահովման մասին>> օրենքի 17-րդ հոդվածի 1-ին մասի <<ա>> կետի համաձայն՝ ճանապարհային երթևեկությունը կարգավորող ոստիկանության ծառայողը պարտավոր է սույն հոդվածի երրորդ մասով սահմանված կարգով ազդանշան տալով կանգնեցնել տրանսպորտային միջոցը, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները, կամ տրանսպորտային միջոցի ընթացքը կամ տեղափոխվող բեռը, կամ վարորդը կամ ուղևորներն իրենց վարքագծով ակնհայտորեն վտանգ են ստեղծում երթևեկության անվտանգության համար: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 124-րդ հոդվածի 10-րդ մասի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 11.11.2021թ. կայացված ԱՖ794985 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Գևորգ Մելիքսեթյանին և Ճանապարհային ոստիկանության ՃՊԾ 2-ին սպայական գումարտակ:



Ե. Կարապետյան